

0
1cm
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28



浙江圖書館



浙江圖書館



浙江圖書館



浙江圖書館

選詩卷一



江夏郭心域批點
吳興凌濛初輯評

梁昭明太子蕭統選

補亡

補亡六詩

并序虞九章曰詩或三章或四章故不言六首而言六詩
舊本無此析殊昧作者之意

束皙

南陔。孝子相戒以養也。

循彼南陔。言採其蘭。眷戀庭闈。心不遑安。彼居
之子。罔或游盤。馨爾夕膳。潔爾晨餐。

試以此置之三百篇中當必有辨三百篇言外之意令人深思不如是之一覽無餘矣恐筮詩未可補

循彼南陔。厥草油油。彼居之子。色思其柔。眷戀
庭闈。心不遑留。馨爾夕膳。潔爾晨羞。

有獺有獺。在河之涘。凌波赴汨。噬魴捕鯉。

嗷嗷林鳥。受哺于子。養隆敬薄。惟禽之似。勗增

爾虔。以介丕耻。

白華。孝子之潔白也。

白華朱萼。被於幽薄。粲粲門子。如磨如錯。終晨

三省。匪情其恪。

試玩楚辭載芟
諸詩如何

白華絳趺在陵之陬。舊舊士子。涅而不渝。竭誠盡敬。疊疊忘劬。

白華玄足在丘之曲。堂堂處子。無營無欲。鮮侔晨葩。莫之點辱。

華黍時和歲豐。宜黍稷也。

黩黩重雲習習和風。黍華陵巔。麥秀丘中。靡田不播。九穀斯豐。

奕奕玄霄濛濛甘雷。黍發稠華。禾挺其秀。靡田

不殖。九穀斯茂。

無高不播。無下不植。芒芒其稼。參參其穡。穡我

王委。充我民食。玉燭陽明。顯猷翼翼。

由庚。萬物得由其道也。

蕩蕩夷庚。物則由之。蠢蠢庶類。王亦柔之。道之

既由。化之既柔。木以秋零。草以春抽。獸在于草。

魚躍順流。

浙

五臣作躔其安

四時遞謝。八風代扇。織阿案晷。星變其躔。五緯

不愆。六氣無易。悄悄我王。紹文之跡。

崇丘。萬物得極。其高大也。

瞻彼崇丘。其林藹藹。植物斯高。動類斯大。周風
既洽。王猷允泰。

圖

漫漫方輿。迴迴洪覆。何類不繁。何生不茂。物極
其性。人永其壽。

恢恢大圓。茫茫九壤。資生仰化。于何不養。人無
道夭。物極則長。

由儀萬物之生各得其儀也。

肅肅君子由儀率性明明后辟仁以爲政魚游
清沼鳥萃平林濯鱗鼓翼振振其音賓寫爾誠
主竭其心時之和矣何思何修文化內輯武功
外悠。

述德

述祖德詩二首

謝靈運

浙江圖書館

魏慶之曰一篇
押兩人字
皇甫沔曰太冲
詠史臨組不肯
縲對挂寧肯分
功成耻受賞高
節卓不群靈運
臨組四句不惟
祖其意而直用
其語既他人之
先得雖所愛而
必捐

達人貴自我高情屬天雲兼抱濟物性而不纓
 垢氛段生藩魏國展季救魯人弦高犒晉師仲
 連却秦軍臨組乍不縲對珪寧肯分惠物辭所
 賞勵志故絕人茗茗歷千載遥遥播清塵清塵
 竟誰嗣明哲時經綸委講綴道論改服康世屯
 屯難既云康尊主隆斯民
 中原昔喪亂喪亂豈解已崩騰永嘉末逼迫太
 元始河外無反正江介有賊圯萬邦咸振懼橫

王世貞曰韋玄
成雅頌之後不
失前規繁而能
整故未易及昌
穀少之私所不
解

流賴君子拯溺由道情。龕暴資神理。秦趙欣來
蘇。燕魏遲文軌。賢相謝世運。遠圖因事止。高揖
七州外。拂衣五湖裏。隨山疏濬潭。傍巖藝枌梓。
遺情捨塵物。貞觀丘壑美。

勸勵

善本無詩字

諷諫詩 并序

韋孟

浙江圖

孟為元王傅。傅子夷王。及孫王戊。戊荒淫不

得小雅之憂思

鍾惺曰余嘗謂

三百篇後四言

之法有兩種章

孟諷諫其氣和

去三百篇近而

近有近之離魏

武短歌其調高

去三百篇遠而

遠有遠之合後

世作者各領一

派

又曰肅雍

有雅頌之音正

在穆然無奇動

遵道作詩諷諫

善本有曰字

肅肅我祖國自豕韋黼衣朱黻四牡龍旂彤弓

斯征撫寧遐荒總齊羣邦以翼大商迭彼大彭

勲績惟光至于有周歷世會同王赧聽譖實絕

我邦我邦既絕厥政斯逸賞罰之行非由王室

庶尹羣后靡扶靡衛五服崩離宗周以墜我祖

斯微遷于彭城在予小子勤瘁厥生阨此媢秦

耒耜斯耕悠悠媢秦上天不寧乃眷南顧授漢

處不當以五拙
求之

譚元春曰微妙

鮮巧詩一大部

得此等詩一兩

者即鄭重矣可

以想其詩品

鍾惺曰統祀以

上歷述祖德詳

至宛曲正是字

字諷諫潘陸輩

四言效之便有

頭重之病矣

又曰蒸民八字

妙讀之慙竦

於京於赫有漢四方是征靡適不懷萬國攸平

乃命厥弟建侯于楚俾我小臣惟傳是輔矜矜

元王恭儉靜一惠此黎民納彼輔弼享國漸世

垂烈于後乃及夷王剋奉厥次咨命不永惟王

統祀左右陪臣斯惟皇士如何我王不思守保

不惟履冰以繼祖考邦事是廢逸游是娛犬馬

悠悠是放是驅務此鳥獸忽此稼苗蒸民以匱

我王以媮所弘匪德所親匪俊唯囿是恢唯諛

民五臣作人

五臣作於

次五臣作緒

五臣作田獵

不減三百篇

鍾惺曰藪下臣

三字雄主病根

又曰輕以削黜

四字惕然

又曰告戒有體

又曰二匪字峭

急是三百篇字

法他人不能用

是信。踰踰。諂夫。諤諤。黃髮。如何。我王。曾不是。察。

逸五臣作樂

既藐下臣。追欲縱逸。嫚彼顯祖。輕此削黜。嗟嗟

我王。漢之睦親。曾不夙夜。以休令聞。穆穆天子。

照臨下土。明明羣司。執憲靡顧。正遐由近。殆其

五臣作怙茲

茲怙。嗟嗟我王。曷不斯思。匪思匪監。嗣其罔則。

彌彌其逸。岌岌其國。致冰匪霜。致墜匪慢。瞻惟

我王。時靡不練。興國救顛。孰違悔過。追思黃髮。

五臣作穰

秦繆以霸。歲月其徂。年其逮耆。於赫君子。庶顯

四言詩獨三百
篇用雄渾興寄
無窮後人則綺
合組連露斧鑿
痕如擬論語者
精衛填海

于後我王如何。曾不斯覽。黃髮不近。胡不時鑒。

勵志詩

張華

大儀幹運。天迴地游。四氣鱗次。寒暑環周。星火

既夕。忽焉素秋。涼風振落。熠燿宵流。

吉士思秋。實感物化。日歟月歟。荏苒代謝。逝者

如斯。曾無日夜。嗟爾庶士。胡寧自舍。

仁道不遐。德輶如羽。求焉斯至。衆鮮克舉。大猷

館

書

善作與下同

玄漠將抽厥緒先民有作五臣作人貽我高矩

雖有淑姿放心縱逸善作般出盤于游居多暇日如彼

梓材弗勤丹漆雖勞朴斲終負素質

養由矯矢獸號于林蒲蘆縈繳神感飛禽末伎

之妙動物應心研精耽道安有幽深

安心恬蕩棲志浮雲體之有質彪之以文如彼

南畝力未旣勤五臣作潤蔗蓂致功必有豐殷

水積成川載瀾載清土積成山歆蒸鬱冥山不

讓塵川不辭盈。勉志含弘。以隆德聲。

自五臣作其

高以下基。洪由纖起。川廣自源。成人在始。累微

以著。乃物之理。纏牽之長。實累千里。

復禮終朝。天下歸仁。若金受礪。若泥在鈞。進德

修業。暉光日新。隰朋仰慕。予亦何人。

獻詩

上責躬應詔詩

有表

曹植

浙

江

圖

書

館

以文獲罪乃欲
以文免乎

呂向曰胡顏詩
無此向今言詩
者悞也

臣植言。臣自抱釁歸蕃。刻肌刻骨。追思罪戾。
晝分而食。夜分而寢。誠以天網不可重罹。聖
恩難可再恃。竊感相鼠之篇。無禮遄死之義。
形影相弔。五情愧赧。以罪棄生。則違古賢夕
改之勸。忍垢苟全。則犯詩人胡顏之譏。伏惟
陛下。德象天地。恩隆父母。施暢春風。澤如時
雨。是以不別荆棘者。慶雲之惠也。七子均養
者。鳴鳩之仁也。含罪責功者。明君之舉也。矜

愚愛能者。慈父之恩也。是以愚臣徘徊于恩
澤。而不敢自棄者也。前奉詔書。臣等絕朝心
離志。絕自分黃耆。永無執珪之望。不圖聖詔
猥垂齒召。至止之日。馳心輦轂。僻處西館。未
奉闕庭。踴躍之懷。瞻望反側。不勝犬馬戀主
之情。謹拜表并獻詩二首。善作篇詞旨淺末。不足采
覽。貴露下情。冒顏以聞。臣植誠惶誠恐。頓首
頓首。死罪死罪。

責躬詩

於穆顯考。時惟武皇。受命于天。寧濟四方。朱旗
所拂。九土披攘。玄化滂流。荒服來王。超商越周。
與唐比蹤。篤生我皇。奕世載聰。武則肅烈。文則
時雍。受禪于漢。君臨萬邦。萬邦既化。率由舊則。
廣命懿親。以藩王國。帝曰爾侯。君茲青土。奄有
海濱。方周于魯。車服有輝。旗章有叙。濟濟俊乂。
我弼我輔。伊余小子。恃寵驕盈。舉挂時網。動亂

國經作蕃作屏。先軌是隳。傲我皇使。犯我朝儀。
國有典刑。我削我黜。將寘于理。元凶是率。明明
天子。時惟篤類。不忍我刑。暴之朝肆。違彼執憲。
哀予小子。改封究邑。于河之濱。股肱弗置。有君
無臣。荒淫之闕。誰弼余身。熒熒僕夫。于彼冀方。
嗟余小子。乃罹斯殃。赫赫天子。恩不遺物。冠我
玄冕。要我朱紱。光光大使。我榮我華。剖符授玉。
王爵是加。仰齒金璽。俯執聖策。皇恩過隆。祇承

休惕咨我小子。頑凶是嬰。逝慙陵墓。存愧闕庭。
匪敢傲德。寔恩是恃。威靈改加。足以沒齒。昊天
罔極。生命不圖。常懼顛沛。抱罪黃墟。願蒙矢石。
建旗東嶽。庶立毫釐。微功自贖。危軀授命。知足
免戾。甘赴江湖。奮戈吳越。天啟其衷。得會京畿。
遲奉聖顏。如渴如饑。心之云慕。愴矣其悲。天高
聽卑。皇肯照微。

應詔詩

肅承明詔。應會皇都。星陳夙駕。秣馬脂車。命彼
掌徒。肅我征旅。朝發鸞臺。夕宿蘭渚。茫茫原隰。
祁祁士女。經彼公田。樂我稷黍。爰有樛木。重陰
匪息。雖有糗糧。饑不遑食。望城不過。面邑不游。
僕夫警策。平路是由。玄駟藹藹。揚鑣漂沫。流風
翼衡。輕雲承蓋。涉澗之濱。緣山之隈。遵彼河滸。
黃坂是階。西濟關谷。或降或升。駢驂倦路。載寢
載興。將朝聖皇。匪敢宴寧。弭節長驚。指日遄征。

前驅舉燧。後乘抗旌。輪不輟運。鑿無廢聲。爰暨
帝室。稅此西墉。嘉詔未賜。朝覲莫從。仰瞻城闕。
俯惟闕庭。長懷永慕。憂心如醒。

關中詩

潘岳

於皇時晉。受命旣固。三祖在天。聖皇紹祚。德博
化光。刑簡枉錯。微火不戒。延我寶庫。
蠢爾戎狄。狡焉思肆。虞我國青。窺我利器。嶽牧

慮殊威懷理二將無專策兵不素肄
翹翹趙王請徒三萬朝議惟疑未逞斯願桓桓
梁征高牙乃建旗蓋相望偏師作援
虎視眈眈威彼好時素甲日耀玄幕雲起誰其
繼之夏侯卿士唯系唯處別營碁時
夫豈無謀戎士承平守有完郭戰無全兵鋒交
卒奔孰免孟明飛檄秦郊告敗上京
周狗師令身膏氏斧人之云亡貞節克舉盧播

范晔文曰劉灣
雲南行云妻行
求死夫父行求
死子辭傷於直
潘安仁夫行妻
寡父出子孤亦
欠包涵之工

不似詩

違命投畀朔土為法受惡誰謂荼苦

哀此黎元無罪無辜肝腦塗地白骨交衢夫行

妻寡父出子孤俾我晉民化為狄俘

亂離斯瘼日月其稔天子是矜盱食晏寢主憂

臣勞孰不祇慄愧無獻納尸素以甚

皇赫斯怒爰整精銳命彼上谷指日遄逝親奉

成規稜威遐厲首陷中亭揚聲萬計

兵固詭道先聲後實聞之有司以萬為一紂之

稜五臣作精

五臣作新

不善我未之必。虛晶滄德。繆彰甲吉。

雍門不啟。陳汧危偏。觀遂虎奮。感恩輸力。重圍

五臣作邑

克解。危城載色。豈曰無過。功亦不測。

情固萬端。于何不有。紛紜齊萬。亦孔之醜。曰納

其降。曰梟其首。疇真可掩。孰偽可久。

五臣作為

既徵爾辭。既蔽爾訟。當乃明實。否則證空。好爵

既五臣作自

既靡顯戮。亦從不見。竇林伏尸。漢邦。

周人之詩。寔曰采薇。北難獫狁。西患昆夷。以古

李善曰贈答詩
子建在仲宣之
後而此在前疑
誤

况今何足曜威徒愍斯民我心傷悲

斯民如何荼毒于秦師旅既加饑饉是因疫癘

淫行荆棘成榛絳陽之粟浮于渭濱

五臣作人

明明天子視民如傷申命羣司保爾封疆靡暴

于衆無凌于疆惴惴寡弱如熙春陽

公讌

公讌詩

曹植

過仲宣公幹

范晞文曰讀之猶見其景

又曰古人雖不

于字面上着工

然冒字殆妙陸

士衡層臺冒雲

冠潘安仁川氣

冒山頰頰延年

山烟冒隴生江

文通秋華冒水

澤謝靈運菰蒲

冒清淺皆祖子

建

公子敬愛客。終宴不知疲。清夜游西園。飛蓋相
追隨。明月澄清景。列宿正參差。秋蘭被長坂。朱
華冒綠池。潛魚躍清波。好鳥鳴高枝。神飈接丹
轂。輕輦隨風移。飄飄放志意。千秋長若斯。

公讌詩

王粲

昊天降豐澤。百卉挺葳蕤。涼風撤蒸暑。清雲却
炎暉。高會君子堂。並坐蔭華榭。嘉肴充圓方。旨

江圖書

酒盈金壘管弦發徽音。曲度清且悲。合坐同所
樂。但慙盃行遲。常聞古人語。不醉且無歸。今日
不極歡。含情欲待誰。見眷良不翅。守分豈能違。
古人有遺言。君子福所綏。願我賢主人。與天享
巍巍。克符周公業。奕世不可追。

公讌詩

劉楨

永日行遊戲。歡樂猶未央。遺思在玄夜。相與復

五臣作居

翱翔輦車飛素蓋。從者盈路傍。月出照園中。珍
木鬱蒼蒼。清川過石渠。流波為魚防。芙蓉散其
華。菡萏溢金塘。靈鳥宿水裔。仁獸游飛梁。華館
寄流波。豁達來風涼。生平未始聞。歌之安能詳。
投翰長歎息。綺麗不可忘。

平五臣作年

侍五官中郎將建章臺集詩

應瑒

浙

朝鴈鳴雲中。音響一何哀。問子游何鄉。戢翼正

侍謙多漆語而
能勉以正有古
道但公子敬愛
客之上於譬言意
欠完

徘徊言我塞門來五臣作寒將就衡陽棲往春翔北土今

冬客南淮遠行蒙霜雪毛羽日摧頽常恐傷肌

骨身隕沈黃泥簡珠墮沙石何能中有諧欲因五臣作隨

雲雨會濯翼翼陵高梯良遇不可值伸眉路何階

公子敬愛客樂飲不知疲和顏既以暢乃肯顧

細微贈詩見存慰小子非所宜為且極歡情不

醉其無歸凡百敬爾位以副饑渴懷

皇太子宴玄圃宣猷堂有令賦詩

陸機

王世貞曰古詩
四言之有冒頭
蓋不始延年也
二陸諸君為之
備也如此詩凡
十六韻而始入
太子後詩凡八
韻而始入晉亂
齊王罔始平之
又士衡贈丘丘
令答曹常侍潘
安為賈答應吉
甫華林園宴集
皆然若爾則不
必多費此等語
但成一冒頭百
凡宴會酬贈可
舉以貫之矣若

三正迭紹。洪聖啟運。自昔哲王。先天而順。羣辟
崇替。降及近古。黃暉既渝。素靈承祐。乃眷斯顧。
祚之宅土。三后始基。世武丕承。協風傍駭。天畧
仰澄。淳耀六合。皇慶攸興。自彼河汾。奄齊七政。
時文惟晉。世篤其聖。欽翼昊天。對揚成命。九區
克咸。讌歌以詠。皇上纂隆。經教弘道。于化既豐。
在工載考。俯釐庶績。仰荒大造。儀刑祖宗。妥綏

韋孟之諷諫思
王之責躬應詔
靖節之贈族叔
夜之幽憤仲宣
之贈蔡睦文穎
越石之贈盧諶
寧有是耶

天保篤生我后。克明克秀。體輝重光。承規景數。

庸語

茂德淵冲。天姿玉裕。萑爾小臣。邈彼荒遐。弛厥
負擔。振纓承華。匪願伊始。惟命之嘉。

大將軍宴會被命作詩

陸雲

皇皇帝祜。誕隆駿命。四祖正家。天祿安定。獻哲

祿善作保

善作睿

惟晉。世有明聖。如彼日月。萬景攸正。

巍巍明聖。道隆自天。則明分爽。觀象洞玄。陵風

五臣作凌

五臣作極

協紀絕輝。照淵肅雍。往播福祿。來臻。

昔五臣作晉

在昔姦臣。稱亂紫微。神風潛駭。有赫茲威。靈旗

樹旆。如電斯輝。致天之屆。于河之沂。有命再集。

皇輿凱歸。

頽網既振。品物咸秩。神道見素。遺華反質。辰晷

重光。協風應律。函夏無塵。海外有謐。

芒芒宇宙。天地交泰。王在華堂。式宴嘉會。玄暉

峻朗。翠雲崇靄。冕弁振纓。服藻垂帶。

弁五臣作舟

五臣作藻服

祁祁臣僚。有來雍雍。薄言載考。承顏下風。俯覲
嘉客。仰瞻玉容。施已唯約。于禮斯豐。天錫難老。
如岳之崇。

晉武帝華林園集詩

五臣無園字

應貞

五臣作入

悠悠太上民之厥初。皇極肇建。彝倫攸敷。五德
更運。膺錄受符。陶唐既謝。天歷在虞。
於時上帝。乃顧惟眷。光我先祚。應期納禪。位以

時五臣作是

先以吾作晉

龍飛文以虎變。玄澤滂流。仁風潛扇。區內宅心。
方隅回面。

天垂其象。地曜其文。鳳鳴朝陽。龍翔景雲。嘉禾
重穎。蓂莢載芬。率土咸序。人胥悅欣。

恢恢皇度。穆穆聖容。言思其順。貌思其恭。在視
斯明。在聽斯聰。登庸以德。明試以功。

其恭惟何。昧旦丕顯。無理不經。無義不踐。行捨
其華。言去其辯。游心至虛。同規易簡。六府孔修。

九有斯靖。

澤靡不被化。罔不加聲教。南暨西漸。流沙幽人。

善作肆

五臣作常

肆嶮遠國。忘遐越裳。重譯充我皇家。

峩峩列辟。赫赫虎臣。內和五品。外威四賓。修時

貢職。入覲天人。備言錫命。羽蓋朱輪。

貽燕好會。不常厥數。神心所授。不言而喻。於是

五臣作肆

肆射。弓矢斯御。發彼五的。有酒斯飫。

射五臣作躬

文武之道。厥猷未墜。在昔先王。射御茲器。示武

懼荒過亦爲失。凡厥羣后無懈于位。

五臣無集字

九日從宋公戲馬臺集送孔令詩

謝瞻

風至授寒服。霜降休百工。繁林收陽彩。密苑解

書

來五臣作歸

五臣作揚綵

華叢巢幕無留鷺。遵渚有來鴻。輕霞冠秋日。迅

商薄清穹。聖心眷嘉節。揚鑾戾行宮。四筵霑芳

醴。中堂起絲桐。扶光迫西汜。歡餘宴有窮。逝矣

將歸客。養素克有終。臨流怨莫從。歡心歎飛蓬。

聖心二字可畏

篇中及孔令止
二語末語峻

樂游應詔詩

范曄

館

梁五臣作陽

崇盛歸朝闕。虛寂在川岑。山梁協孔性。黃屋非

未五臣作素

堯心。軒駕時未肅。文囿降照臨。流雲起行蓋。晨

風引鑿音。原薄信平蔚。臺澗備曾深。蘭池清夏

睇五臣作瞻

氣。修帳含秋陰。遵渚攀蒙密。隨山上嶇歎。睇目

有極覽。游情無近尋。聞道雖已積。年力互頽侵。

探巴謝丹黻。感事懷長林。

立言有法

九日從宋公戲馬臺集送孔令詩

謝靈運

季秋邊朔苦。旅鴈違霜雪。淒淒陽卉腓。皎皎寒

潭潔。良辰感聖心。雲旗興暮節。鳴葭戾朱宮。蘭

卮獻時哲。餞宴光有孚。隆五臣作信和樂隆所缺。在宥天下

理。吹萬羣方悅。歸客遂海隅。隅善作山脫冠謝朝列。弭棹

薄枉渚。指景待樂闋。河流有急瀾。浮驂無緩轍。

豈伊川途念。宿心愧將別。彼美丘園道。喟焉傷

薄劣。

應詔讌曲水作詩

顏延之

書館

王世貞曰延之創撰整嚴而斧鑿時露其才大不勝學豈惟惠休之評視靈運殆更霄壤如此詩起語云與題有毫髮干涉耶

道隱未形。治彰既亂。帝迹懸衡。皇流共貫。惟王
創物。永錫洪筭。仁固開周。義高登漢。
祚融世哲。業先列聖。太上正位。天臨海鏡。制以
化裁。樹之形性。惠浸萌生。信及翔泳。
崇虛非徵。積實莫尚。豈伊人和。實靈所贖。日完

其朔月不掩望。航琛越水輦。賁踰嶂。

章體麗明。儀辰作貳。君彼東朝。金昭玉粹。德有潤身。禮不愆器。柔中淵映。芳猷蘭祕。

昔在文昭。今惟武穆。於赫王宰。方旦居叔。有睟獻蕃。爰履奠牧。寧極和鈞。屏京維服。

臚魄雙交。月氣參變。開榮灑澤。舒虹爍電。化際無間。皇情爰眷。伊思鑄飲。每惟洛宴。

郊餞有壇。君舉有禮。幙幃蘭甸。畫流高陞。分庭

淺

薦樂析波浮醴。豫同夏諺。事兼出濟。
仰閱豐施。降惟微物。三妨儲隸。五塵朝黻。途泰
命屯。恩克報屈。有悔可梭。滯瑕難拂。

皇太子釋奠會作

顏延之

國尚師位。家崇儒門。稟道毓德。講藝立言。浚明
爽曙。達義茲昏。永瞻先覺。顧惟後昆。

大人長物。繼天接聖。時屯必亨。運蒙則正。偃閉

王世貞曰起二
句老生板對唐
律賦之不若矣

武術闡揚文令庶士傾風萬流仰鏡

懷五臣作深

虞庠飾館睿圖炳睟懷仁憬集抱智麇至踵門

陳書躡屩獻器澡身玄淵宅心道祕

伊昔周儲聿光往記思皇世哲體元作嗣資此

夙知降從經志邊彼前文矩周規值

五臣作文承

正殿虛筵司分簡日尚席函杖丞疑奉帙侍言

稱辭惇史秉筆妙識幾音王載有述

五臣作肆

肆議芳訊大教克明敬躬祀典告奠聖靈禮屬

觀盥樂薦歌笙。昭事是肅俎。實非馨。

五臣作縣

獻終襲吉。卽宮廣讌堂。設象筵。庭宿金懸。台保兼徽。皇戚比彥。肴乾酒澄。端服整弁。

六官視命。九賓相儀。纓笏而序。巾卷充街。都莊雲動。野馗風馳。倫周伍漢。超哉邈猗。

任善作性

清暉在天。容光必照。物任其情。理宜其奧。妄先國胄。側聞邦教。徒愧微冥。終謝智效。

五臣作張徐州

侍宴樂游苑送徐州應詔詩

起好

巢空二語何謂

范晞文曰謝靈

運初篁包綠箨

新蒲含紫茸与

以巢空二句綽

有流麗之風視

小謝魚戲新荷

動鳥散餘花落

之句亦無愧

句鍊

丘遲

詰日閭闔開。馳道聞鳳吹。輕蕤承玉輦。細草藉

龍騎。風遲山尚響。雨息雲猶積。巢空初鳥飛。荇

亂新魚戲。寔惟北門重。匪親孰為寄。參差別念

舉。肅穆恩波被。小臣信多幸。投生豈酬義。

應詔樂游苑餞呂僧珍詩

沈約

丹浦非樂戰。負重切君臨。我皇秉至德。忘已用

浙

善作清

於題意索然

結

堯心愍茲區宇內。魚鳥失飛沈。推轂二嶠道。揚
旆九河陰。作道超乘盡三屬。選士皆百金。戎車出細柳。
餞席樽上林。命師誅後服。授律緩前禽。函輶方解帶。
堯武稍披襟。伐罪芒山曲。弔民伊水濇。將陪告成禮。
待此未抽簪。

祖餞

送應氏詩二首

曹植

選中古詩多俳
語獨子建渾古
不繁信所謂兼
雅怨被文質而
出於國風者也

是情

步登北芒阪。遙望洛陽山。洛陽何寂寞。宮室盡
燒焚。垣墻皆頓擗。荆棘上參天。不見舊耆老。但
覩新少年。側足無行徑。荒疇不復田。遊子久不
歸。不識陌與阡。中野何蕭條。千里無人煙。念我
平生居。氣結不能言。

清時難屢得。嘉會不可常。天地無終極。人命若
朝霜。願得展嬾婉。我友之朔方。親昵並集送。置
酒此河陽。中饋豈猶薄。賓飲不盡觴。愛至望苦

深。豈不愧中腸。山川阻且遠。別促會日長。願爲
比翼鳥。施翮起高翔。

館

征西官屬送于陟陽侯作詩

孫楚

圖

晨風飄岐路。零雨被秋草。傾城遠追送。餞我千
里道。三命皆有極。咄嗟安可保。莫大于殤子。彭
聃猶爲夭。吉凶如糾纏。憂喜相紛繞。天地爲我
鑪。萬物一何小。達人垂大觀。誠此苦不早。乖離

欲說達懷反落
言筌

絕不似題

卽長衢。惆悵盈懷抱。孰能察其心。鑒之以蒼昊。
齊契在今朝。守之與諧老。

金谷集作詩

潘岳

王子和鼎實。石子鎮海沂。親友各言邁。中心悵
有違。何以叙離思。攜手游郊畿。朝發晉京陽。夕
次金谷湄。迴谿縈曲阻。峻阪路威夷。綠池泛淡
淡。青柳何依依。濫泉龍鱗澗。激波連珠揮。前庭

詞爛響促遂為
詩識

世說曰孫秀收石崇同日收岳石先送市亦不相知潘後至石謂潘曰安仁卿亦復爾耶潘曰可謂白首同所歸岳金谷集詩乃成其識

樹沙棠後園植烏桺靈囿繁石榴茂林列芳梨
飲至臨華沼遷坐登隆坻玄醴染朱顏但慙杯
行遲揚桴撫靈鼓簫管清且悲春榮誰不慕歲
寒良獨希投分寄石友白首同所歸

王撫軍庾西陽集別作

謝瞻

祗召旋北京守官反南服五臣作及方舟析舊知對筵曠

明牧舉觴矜飲餞指途念出宿來晨無定端別

楊慎曰離會雖相雜杜子美忽湯相逢是別筵之句實祖之類延年春江壯風濤杜子美春江不可渡二月已風濤之句實仿之故子美論兒詩曰熟精文選理

畧有成速。顏陽照通津。夕陰駿平陸。榜人理行。 艦。輶軒命歸僕。分手東城闈。發櫂西江隩。離會。 雖相雜。逝川豈往復。誰謂情可書。盡言非尺牘。 鄰里相送方山詩

謝靈運

相五任作指

祇役出皇邑。相期憇甌越。解纜及流潮。懷舊不 能發。析析就衰林。皎皎明秋月。含情易為盈。遇 物難可歇。積疴謝生慮。寡欲罕所闕。資此永幽

謝靈運詩不直 逸蕩興致敷腴 自是奇才

善作親 結句梗

棲。豈伊年歲別。各勉日新志。音塵慰寂蔑。

新亭渚別范零陵詩

謝朓

洞庭張樂地。瀟湘帝子游。雲去蒼梧野。水還江漢流。停驂我悵望。輟棹子夷猶。廣平聽方籍。茂陵將見求。心事俱已矣。江上徒離憂。

似律
此首亦不見佳

別范安成詩

沈約

鐘惺曰字、幽字、厚字、遠字、真非漢人不能
譚元春曰尤妙在一片真氣浮動無一毫境事碎
瑣參錯

妙
譚元春曰易前
期三字少年意
氣使然
鍾惺曰妙在第三句第五句下
似各有未說了
處

五臣作平生

生平少年日。分手易前期。及爾同衰暮。非復別

離時。勿言一樽酒。明日難重持。夢中不識路。何

以慰相思。

鍾惺曰說得魂魄悄然老杜落月楓林閑塞等語皆
沒此出

鍾惺曰同字妙別離苦

浙江圖書館

選詩卷一終

選詩卷一訂註

束皙補亡六詩

序曰皙與同業疇人肆修鄉飲之禮然所詠之詩或有義

無辭音樂取節缺而不備於是遥想既往存思在昔補著其文以綴舊制

白華

門子

嫡子代父當門者

跌

花足也

處子

處士也

華黍

稽我王委

委積也言為王之稽積

由庚

織阿也月御 晷景日 躔星次也

崇丘

方輿地也 洪覆天也 大圓天也

謝靈運述祖德詩

序曰太元中王父龕定淮南負荷世業尊主隆人逮

賢相祖謝君子道消拂衣蕃岳考卜東山事同樂生之時志期范蠡之舉

達人謂祖也 貴自我謂輕物也 縹繫也 永嘉太元並西晉年

號也 圯敗也 龕勝也 遲待也 賢相謝安

韋孟諷諫詩

唉歎詞始其怙茲怙恃漢戚以致危殆嗣其罔則後世無所法則孰

違悔過誰能違遠悔過之事

張華勵志詩

星火流火熠耀螢也蒲蘆榮繳神感飛禽蒲蘆卽蒲且射獲鳧

中一而不中者亦隨欬氣上出貌纏牽之長纏索也以御馬

也王良弟子駕千里泥在鈞鈞作瓦輪者

曹植上責躬應詔詩表植嘗與楊修等醉走馬于司禁門文帝卽

位念其舊事徙封鄆城侯後未見帝帝責之置西館未許朝故子建獻此詩也

相鼠

詩篇也

七子均養

鳴鳩之養其子朝從上下暮從下上其均平如一見

毛青土

植初封臨淄矣舊青州之境

黃墟

墳墓也

潘岳關中詩

晉惠帝元康六年氏賊齊萬年與楊茂陷關中既定帝命諸臣

作關中詩岳上詩表曰詔臣作關中詩輒

奉詔竭愚作一篇案漢記孝明時護羗校

尉上降羗顛岸以為羗豪岸兄顛吾復降

問事狀林對前後兩屈坐誣詞下獄死齊

萬年編戶隸屬為日久矣而死生異

辭必有詭謬故引證諭以懲不恪也

三祖

宣高祖文太祖武世祖

延我寶庫

元康五年武庫火

嶽牧慮

殊威懷理二

嶽牧謂梁王解系也梁王欲戰以成服解系欲守以懷撫趙王

名倫請兵三萬往平
氏羗朝議疑不遣
梁征
梁王彤為征西
將軍以討氏賊
好時

地名
夏侯卿士
夏侯
維系維處
解系
周殉
周處
盧

播遣命
播伐萬年詐論功
上谷
孟觀封上谷郡
公拜為建威將

軍擊
羗
中亭
地名
以萬為一
有司疑觀之詐故觀
我

未之必
疑有司抑
之太甚
虛晶南德繆彰甲吉
晶明也
南甲二

羗號德吉其名言觀
虛明誅二羗之功
雍
雍縣
陳汧
陳倉
萬端
紛

紘齊萬
謂爭萬年也
夏侯駿上言斬氏帥齊
萬年及孟觀至大戰數十生送萬年
曰

納其降曰梟其首
觀曰納降
疇真孰偽
觀功真
駿曰梟首
駿功偽

曹植公讌詩

在鄴宮與兄丕讌飲

王粲公讌詩

侍曹掾讌

葳蕤

草木初生貌

圓方

圓豆方俎

劉楨公讌詩

與王粲同於鄴宮作

應瑒侍五官中郎將建章臺集詩

五官中郎將世子丕

簡珠

簡大也

陸機皇太子玄圃宣猷堂有令賦詩

愍懷太子適

三正

夏殷周

黃暉

魏土德

素靈

晉金德

三后

宣景文

世武

世祖駭散也河汾晉所承規景數景大也數歷數

武帝駭也河汾封境承規景數謂承規法于大

館

陸雲大將軍宴會被命作詩

成都王穎也趙王倫篡位穎與

齊王冏誅之進位大將軍

圖

四祖宣景則明法天凌風協紀絕輝照淵風教

協于辰極光炎趙王神風潛駭有赫茲威

絕遠下照深淵倫趙王神風潛駭有赫茲威

謝瞻九日從宋公戲馬臺集送孔令詩

劉裕為宋

公時九月九日出游項羽戲馬臺送尚書
令孔靜辭位歸鄉宋公與百僚賦詩以述
其美焉

辰至也扶光日光也西汜日入處

范曄樂游應詔詩

軒駕時未肅文囿降昭臨言未戒軒駕而訪道且降文囿而愛物也

謝靈運九日從宋公戲馬臺集送孔令

鳴葭葭笛也天子行鳴笛引路和樂隆所缺毛詩序曰鹿鳴廢則和樂缺矣

五臣作信所缺和樂之義信有所終缺終也浮騫浮行也

五圖書館

顏延之應詔曲水讌詩

舊樂游苑宋元嘉十一年以其地為曲水

三月丙申禊飲於樂游苑且祖道江夏

王義恭衡陽王義季有詔會者賦詩

道隱未形

謂宋公未為天子時

治彰既亂

謂延晉之亂以明宋之理

帝

跡懸衡皇流共貫

帝五帝皇三皇言可以齊衡共貫

維王

文

太

上

文

帝體

太

麗明

麗耦也耦君之明

儀辰作貳

儀匹也匹辰極

以為

副貳文昭武穆

高祖之子為王同於文王之昭今帝之子為王同於武王之穆

王宰

彭城王義康

方旦居叔

方于周公居伯叔之次

獻蕃

江夏衡陽

二 朏魄雙交

朏魄日月也凡朏魄之交皆在月三日之夕今月未夕故以前之夕

唯止有二
故曰雙
月氣參變
謂三月也
月變
鎬飲
詩在鎬
飲酒

洛宴

周公卜洛邑
引流以泛酒

幙幘蘭甸
畫流高陞

張帷幙
列蘭甸

畫地通水于
高陞之側也

三妨儲隸

三任東
宮官

五塵朝黻

五任
朝官

顏延之皇太子釋奠會作

浚明爽曙達義茲昏

大明之道既以爽曙通
達之義於此彌昏也

大

人

謂太子

長物

長育萬物

虞庠

虞氏養國
老于上庠

睿圖

睿聖也
睿圖孔

子圖

憬

遠也

麇

羣也

周儲

文王之
為世子

邊彼前文矩

周規值

邊遠也前文古文也
值當也言古文經
典相去雖遠學其規矩亦與之相當

正殿

太子正殿

虛筵

虛席以待賢

司分

主曆之官

尚席

儒席

函

容也

杖

五臣作文席容一丈分地使得指揮也

丞疑

疑丞禮記有師保有疑丞五臣作承

承疑輔弼

侍言

傳太子言語之官

惇史

有善記之

載

則也

之官也

象筵

象牙為席

金懸

鍾也

六官視命

六卿衣服禮儀各賦其命之數

巾

箱也所以盛書

妄先國胄

延年時為國子博士故謙言妄居國胄之先

丘遲侍宴樂游送徐州應詔詩

武帝弟宏為徐州刺史五

臣作張徐州張謖也

北門

徐州梁之北門

沈約應詔樂游苑餞呂僧珍詩

僧珍為左衛將軍北伐魏

丹浦

堯與有苗戰于丹水之浦

函輶方解帶堯武稍披襟

函函

谷輶輶輶堯武二關名

解帶披襟言將隣附也

曹植送應氏詩

璩瑒兄弟也時董卓遷獻帝于西京洛陽被燒故多言荒

蕪之事

孫楚征西官屬送于涉陽侯作詩

楚為馮翊太守時司

馬駿為征西將軍駿下官屬送

至涉陽侯故於此作候亭也

三命

上壽中壽下壽

潘岳金谷集作詩

石崇金谷詩序曰余以元康六年從太僕卿出為使

持節監青徐諸軍事有別廬在河南縣界

金谷澗時征西太將軍祭酒王翊當還長

安余與眾賢共送澗

中賦詩以叙中懷

和昇

祭酒助三公和昇

謝瞻王撫軍庾西陽集別作

王弘為撫軍將軍庾澄之為西

陽太守後庾被徵還撫軍送至盆口瞻時

為豫章太守亦將還豫章三人於此序別

祇召

謂庾守官遠謂宣

謝靈運鄰里相送方山詩

靈運為永嘉太守故鄰里相送於此

謝玄暉新亭渚送范零陵詩

范雲為零陵郡內史

洞庭張樂地

黃帝張樂于洞庭之野

帝子

娥皇女英為湘夫人

廣平

周處為廣平三十年滯訟一朝斷決

籍

籍甚

茂陵

司馬相如謝病居茂陵

沈約別范安成詩

范岫為安成內史

浙江圖

選詩卷一訂註

終

選詩卷二

梁昭明太子蕭統選

詠史

詠史詩

王粲

善作共所

五臣作昔

惜哉空爾為極
佳通篇立意亦
豪
王昌齡曰以一
以譏曹公殺戮
一以許曹公

自古無殉死。達人所共知。秦穆殺三良。惜哉空
爾為。結髮事明君。受恩良不訾。臨沒要之死。焉
得不相隨。妻子當門泣。兄弟哭路垂。臨穴呼蒼

起語有關係殺
身誠獨難立意
忠厚論事有體

天涕下如縷縻。人生各有志。終不為此移。同知
埋身劇心亦有所施。生為百夫雄。死為壯士規。
黃鳥作悲詩。至今聲不虧。

三良詩

曹植

釋皎然曰陳王詩云秦穆云云王祭云秦穆殺三良惜哉空爾
為蓋以陳王徙國任城被害已後便有憂生之慮其辭婉婉存
幾諫也王祭顯青黃之言其過存直諫也二詩體格高逸才
藻相隣至如臨穴呼蒼天淚下如縷縻斯乃迫出情表未知陳
王將何以敵

功名不可為忠義我所安。秦穆先下世。三臣皆

自殘。生時等榮樂。既沒同憂患。誰言捐軀易。殺

身誠獨難。攬涕登君墓。臨穴仰天歎。長夜何冥

五臣作攬

平聲

冥一往不復還黃鳥為悲鳴哀哉傷肺肝

詠史詩八首

王世貞曰太冲莽蒼詠史招隱綽有兼人之語但太不離琢

左思

鍾惺曰古人詠史不指定一事寫意而已今人寫意反靠定用事又曰太冲筆舌靈動遠出潘陸上使潘陸作三者賦有其才決不能有其情思

弱冠弄柔翰卓犖觀羣書著論准過秦作賦擬

子虛邊城苦鳴鏑羽檄飛京都雖非甲冑士疇

昔覽穰苴長嘯激清風志若無東吳鈇刀貴一

割夢想騁良圖左眄澄江湖右盼定羗胡功成

不受爵長揖歸田廬鍾惺曰不求甚解欣然忘食所謂卓犖觀羣書也以是知拘忌人讀不得書

風諭之志一字

千金

呂向曰是詩之意多以喻已

葛立方曰杜詩

譚笑無河北蓋

用太冲長嘯激

清風志若無東

吳也王維云虜

騎千重只似魚

則拙矣

譚元春曰蔭字
有心眼升降之

妙

鍾惺曰以彼十
字運開可作一
段戰國策文

釋皎然曰詠史

詩吾希段于木

偃息藩魏君吾

希魯仲連談笑

却秦軍又被褐

出闔闔高步追

許由振衣千仞

岡濯足萬里流

其體裁如龍行

虎步氣逸情高

鬱鬱澗底松。離離山上苗。以彼徑寸莖。蔭此百

尺條。世胄躡高位。英俊沈下僚。地勢使之然。由

來非一朝。金張藉舊業。七葉珥漢貂。馮公豈不

偉。白首不見招。

吾希段于木。偃息藩魏君。吾慕魯仲連。談笑却

秦軍。當世貴不羈。遭難能解紛。功成耻受賞。高

節卓不羣。臨組不肯綵。對珪寧肯分。連璽曜前

庭。比之猶浮雲。

善作不

唐人多出此

王世貞曰以彼徑寸莖蔭以百尺條是涉世語貴者雖自貴棄之若埃塵是輕世語振衣千仞岡濯足萬里流是出世語每詠太冲詩便飄欲仙

濟濟京城內。赫赫王侯居。冠蓋蔭四術。朱輪竟長衢。朝集金張館。暮宿許史廬。南鄰擊鍾磬。北里吹笙竽。寂寂楊子宅。門無卿相輿。寥寥空宇內。所講在玄虛。言論准宣尼。辭賦擬相如。悠悠百世後。英名擅八區。皓天舒白日。靈景耀神州。列宅紫宮裏。飛宇若雲浮。峨峨高門內。藹藹皆王侯。自非攀龍客。何為歛來游。被褐出闔闔。高步追許由。振衣千仞

善作中

宋初曰二語使人飄飄有世表意

岡濯足萬里流

平聲

荆軻飲燕市酒酣氣益震哀歌和漸離謂若傍
無人雖無壯士節與世亦殊倫高眇邈四海豪
右何足陳貴者雖自貴視之若埃塵賤者雖自
賤重之若干鈞

圖

善作采樵

主父宦不達骨肉還相薄買臣困樵采伉儷不
安宅陳平無產業歸來翳負郭長卿還成都壁
立何寥廓四賢豈不偉遺烈光篇籍當其未遇

非徒窮愁者

時憂在填溝壑。英雄有迤邐。由來自古昔。何世
無奇才。遺之在草澤。館
習習籠中鳥。舉翮觸四隅。落落窮巷士。抱影守
空廬。出門無通路。枳棘塞中途。計策棄不收。塊
若枯池魚。外望無寸祿。內顧無斗儲。親戚還相
蔑。朋友日夜疎。蘇秦北游說。李斯西上書。俛仰
生榮華。咄嗟復彫枯。飲河期滿腹。貴足不願餘。
巢林栖一枝。可爲達士模。

詠史詩

張協

昔在西京時。朝野多歡娛。藹藹東都門。羣公祖
二疎。朱軒曜金城。供帳臨長衢。達人知止足。遺
榮忽如無。抽簪解朝衣。散髮歸海隅。行人爲隕
涕。賢哉此丈夫。揮金樂當年。歲暮不留儲。頌謂
四座賓。多財爲累愚。清風激萬代。名與天壤俱。
咄此蟬冕客。君紳宜見書。

無弱句亦無佳句

覽古詩

盧諶

館

不必寫出

寫得_不暢

趙氏有和璧。天下無不傳。秦人來求市。厥價徒
平聲空言。與之將見賣。不與恐遺患。簡才備行李。圖
令國命全。藺生在下位。繆子稱其賢。奉辭馳出
境。伏軾徑入關。秦王御殿坐。趙使擁節前。揮袂
睨金柱。身玉要俱捐。連城既偽往。荆玉亦真還。
爰在澠池會。二主尅交歡。昭襄欲負力。相如折

其端皆血下。霑襟怒髮上。衢冠西缶終。雙擊東
瑟不隻彈。捨生豈不易。處死誠獨難。稜威章臺
顛。疆禦亦不干。屈節邯鄲中。俛首忍迴軒。廉公
何爲者。負荆謝厥讐。智勇冠當世。弛張使我歎。

張子房詩

謝瞻

王風哀以思。周道蕩無章。卜洛易隆替。興亂罔
不亡。力政吞九鼎。苛慝暴三殤。息肩纏民思。靈

葛立方曰子房
輔漢之業盡于
此數語

神武睦三正數
語遂以大業祈
宋公為異乎淵
明之心哉

鑒集朱光伊人感代工。聿來扶興王。婉婉幙中

五臣作暉

畫輝輝。天業昌。鴻門銷薄蝕。垓下隕攬槍。爵仇

建蕭宰。定都護儲皇。肇允契幽叟。翻飛指帝鄉。

惠心奮千祀。清埃播無疆。神武睦三正。裁成被

五臣作旌

八荒。明兩燭河陰。慶霄薄汾陽。鑾旌歷頽寢。飾

像薦嘉嘗。聖心豈徒甄。惟德在無忘。逝者如可

作。揆子慕周行。濟濟屬車士。粲粲翰墨場。瞽夫

違盛觀。竦踊企一方。四達雖平直。蹇步愧無良。

餐和忘微遠。延首詠太康。

秋胡詩

館

顏延之

書

一節一節遂出
情款接上起下
信是妙手
鍾惺曰峻節二
語雖不佳已伏
盡全詩之案
有地步

倚梧傾高鳳。寒谷待鳴律。影響豈不懷。自遠每
相匹。婉彼幽閑女。作嬪君子室。峻節貫秋霜。明
艷侔朝日。嘉運既我從。欣願自此畢。
燕居未及好。良人顧有違。脫巾千里外。結綬登
王畿。戒徒在昧旦。左右來相依。驅車出郊郭。行

鐘惺曰太白妾
夢越風波本此
然妙此

譚元春曰只是
勞人二字却用
得妙

鐘惺曰寢興日
已寒五字感深

路正威遲存爲久離別沒爲長不歸

嗟余怨行役三陟窮晨暮嚴駕越風寒解鞍犯
霜露原隰多悲涼迴飈卷高樹離獸起荒蹊驚
鳥縱橫去悲哉游宦子勞此山川路

音迢

超遙行人遠宛轉年運徂良時爲此別日月方
向除孰知寒暑積僂俛見榮枯歲暮臨空房涼
風起坐隅寢興日已寒白露生庭蕪

勤役從歸願反路遵山河昔辭秋未素今也歲

善作醉

譚元春曰此語
真朴有味子美
常用此務字

又曰着相與字
便不潦草

又曰密字下得
渾金玉聲三字
便不膚淺

楊慎曰呂氏春
秋膠鬲見武王
于鮪水曰西伯
竭至注竭何也
則竭之為言盡
也竭未空復辭
以謂盡未家始通

載華蠶月觀時暇。桑野多經過。佳人從所務。窈

窕援高柯。傾城誰不顧。弭節停中阿。

洛善作

年往誠思勞。路遠濶音形。雖為五載別。相與昧

平生。捨車遵往路。鳧藻馳日成。南金豈不重。聊

鍾惺曰漢詩中深厚語 又曰善下虛字有趣有力

自意所輕。義心多苦調。密比金玉聲。

高節難久淹。竭來空復辭。遲遲前途盡。依依造

鍾惺曰溫甚情事詳婉可想其叙手之暇

門基上堂拜嘉慶。入室問何之。日暮行采歸。物

今此句妍而深在物色二字 又曰望底二字盡景無餘二字盡情

色桑榆時。美人望昏至。慙歎前相持。

譚元春曰秋胡詩 只如此叙其事化 筆秀手

鍾惺曰此語用為首句便深妙

二句接得有大力匠語亦奇
鍾惺曰板得有
趣又曰秋胡
妻之死畢竟為
窺其夫之無情
耳昔人謂其死
于妬論雖稍刻
實有至理

有懷誰能已。聊用申苦難。離居殊年載。一別阻
河關。春來無時豫。秋至恒早寒。明發動愁心。閨
中起長歎。悽慘歲方宴。日落游子顏。

高張生絕絃。聲急由調起。自昔枉光塵。結言固
終始。如何久為別。百行愆諸已。君子失明義。誰
與偕。沒齒愧彼行。露詩甘之長川汜。

五君詠五首

顏延之

譚元春曰七賢名盛延之于其中黜却二人如此眼中胸
中下筆何患不深細何患不高潔
鍾惺曰延年五君詠另換一番心手如對名士卻各自
消

一字一句淵深
綺吝替嘆處微

言片語妙極形
容詠史之第一

流也

鍾惺曰識吝鑿

亦洞用世出世

人俱少以五字

不得阮公之微

亦盡于此

鍾惺曰吐論知

凝神所謂悠々

忽々五字想出

又曰立俗二字

有骨

阮步兵

阮公雖淪跡。識密鑒亦洞。沈醉似埋照。寓辭類

譚元春曰是詠懷詩所自出獨得清之神

鍾惺曰五字深極

託諷長嘯若懷人。越禮自驚眾。物故不可論。途

窮能無慟。張銑曰此近年自托以為途窮者

嵇中散

中散不偶世。本自餐霞人。形解驗默仙。吐論知

凝神立俗。迂流議。尋山洽隱淪。鸞翮有時鍛。龍

性誰能馴。張銑曰皆以喻康亦復自謂

鍾惺曰滅聞見
深懷情尤深
又曰韜精更深
於埋照
呂向曰延年自
解
譚元春曰古人
看人文章如此

張詵曰此亦延
年自謂

劉叅軍

鍾惺曰讀以五字知飲酒不易言

劉伶善閉關。懷情滅聞見。鼓鍾不足歡。榮色豈

譚元春曰好眼力

能眩韜精。日沈飲誰知。非荒宴。頌酒雖短章。深

衷自此見。

阮始平

五臣作人 鍾惺曰此語正深

仲容青雲器。實稟生民秀。達音何用深。識微在

又云入山必妙

金奏。郭奕已心醉。山公非虛覲。屢薦不入官。一

麾乃出守。

古今詩話云今之郡守謂之達麾蓋用延年詩誤也延年所謂一麾乃指麾之麾非旌麾之麾也謂山濤薦咸為吏部郎三上不用後為荀勗所擯出守始平故有以向延年被擯以此自托耳杜牧登樂原詩諫用之云擬把一麾江海去自以遂為故事然實誤也

鍾惺曰毫素非
深心不能托非
淡薄不能深讀
書作詩文古人
何嘗淺看
譚元春曰鴻軒
鳳舉不是他數
入交情中語

向常侍

向秀甘淡薄。深心託毫素。探道好淵玄。觀書鄙

鍾惺曰深心處

章句。交呂既鴻軒。攀嵇亦鳳舉。流連河裏游。惻

又曰情至

愴山陽賦

王世貞曰近年五君詠忽自秀于他作如沉醉似埋照寓辭似
托認鸞翻有時鍛龍性誰能馴以比已之翫麟也韜精曰沈飲
誰知非荒宴以解已之任誕也屢薦不入官一麾乃出守以感已之
濡滯也語意既雋永亦易吟詠

詠史詩

鮑照

江

五都矜財雄。三川養聲利。百金不市死。明經有

高位。京城十二衢。飛甍各鱗次。仕子剽華纓。遊

退處既久所以
自況

客竦輕轡明星辰未稀軒蓋已雲至賓御紛颺
沓鞍馬光照地寒暑在一時繁華及春媚君平
獨寂寞身世兩相棄

詠霍將軍北伐詩

虞羲

書 圖 五

擁旄為漢將汗馬出長城長城地勢險萬里與
雲平五臣作窮涼秋八九月虜騎入幽并飛狐白日晚瀚
善作陰海愁雲生羽書時斷絕刁斗晝夜驚乘墉揮寶

未數語味索

五臣作旌

劍蔽日引高旂。雲屯七萃士。魚麗六郡兵。胡笳
關下思。羌笛隴頭鳴。骨都先自警。日逐次亡精。
玉門罷斥候。甲第始修營。位登萬庾積。功立百
行成。天長地自久。人道有虧盈。未窮激楚樂。已
見高臺傾。當令麟閣上。千載有雄名。

百一

百一詩

應璩

浙江圖書館

何良俊曰詩家相沿各有流派蓋潘陸規模于子建老思步騷于劉楨而請節質直出于應璩之百一蓋顯然明著者也徐楨御曰休璉百一微能自振然傷媚焉

下流不可處。君子慎厥初。名高不宿著。易用受

五臣作墮

侵誣。前者隳官去。有人適我閭。田家無所有。酌

醴焚枯魚。問我何功德。三入承明廬。所占於此

土。是謂仁智居。文章不經國。筐篋無尺書。用等

稱才學。往往見歎譽。避席跪自陳。賤子實空虛。

宋人遇周客。慙愧靡所如。

五臣作知

遊仙

遊仙詩

選詩

卷二

十一

何劭

青青陵上松。亭亭高山栢。光色冬夏茂。根柢無彫落。吉士懷貞心。悟物思遠託。揚志玄雲際。流目矚巖石。羨昔王子喬。友道發伊洛。迢遞陵峻岳。連翩御飛鶴。抗跡遺萬里。豈戀生民樂。長懷慕仙類。眇然心繇邈。

游仙詩七首

郭璞

鍾嶸曰游仙之作辭多慷慨垂遠玄宗其云奈何虎豹安又云戩翼栖榛梗乃是坎壈詠懷非列仙之趣也
李善曰凡游仙之篇皆所以滓穢塵網銜銖纓紱食霞倒景餌玉
却而璞之制文多自叙雖志狹中區而辭多俗累見非前識良有以哉
呂向曰璞詩雖游仙意雜傲誕上下道德信遠乎哉

景純自傷坎壈不成康濟寓肯懷仙用以寫鬱詩品乃譏其無列仙之趣以以

以辭害意也

王世貞曰景純

游仙擘佳麗

第少玄旨

京華遊俠窟。山林隱遯棲。朱門何足榮。未若託

音夷叶

蓬萊臨源挹清波。陵岡掇丹萸。靈谿可潛盤。安

事登雲梯。漆園有傲吏。萊氏有逸妻。進則保龍

見。退為觸藩羝。高蹈風塵外。長揖謝夷齊。

青谿千餘仞。中有一道士。雲生梁棟間。風出窓

戶裏。借問此何誰。云是鬼谷子。翹迹企潁陽。臨

河思洗耳。閭闔西南來。潛波渙鱗起。靈妃顧我

笑。粲然啟玉齒。蹇修時不存。要之將誰使。

釋皎然曰郭景
純左挹二語與
鮑明遠行路難
其道如黃鵠臨
風貌逸神王杳
不可羈

翡翠戲蘭苕。容色更相鮮。綠蘿結高林。蒙籠蓋
一山。中有冥寂士。靜嘯撫清絃。放情凌霄外。嚼
蘂挹飛泉。赤松臨上游。駕鴻乘紫烟。左挹浮丘
袖。右拍洪崖肩。借問蜉蝣輩。寧知龜鶴年。
六龍安可頓。運流有代謝。時變感人思。已秋復
願夏。淮海變微禽。吾生獨不化。雖欲騰丹谿。雲
螭非我駕。愧無魯陽德。迴日向三舍。臨川哀年
邁。撫心獨悲吒。

五臣作令

釋皎然曰姮娥
二語與何求王
梵志道情詩智
知章放達詩其
道如楚有接輿
魯有原壤外示
驚俗之貌內藏
達人之度

逸。翮。思。拂。霄。迅。足。羨。遠。遊。清。源。無。增。瀾。安。得。運。
吞。舟。珪。璋。雖。特。達。明。月。難。閤。投。潛。穎。怨。青。陽。陵。
茗。哀。素。秋。悲。來。惻。丹。心。零。淚。綠。纓。流。

五臣作浮

雜。縣。寓。魯。門。風。煖。將。爲。災。吞。舟。湧。海。底。高。浪。駕。
蓬。萊。神。仙。排。雲。出。但。見。金。銀。臺。陵。陽。挹。丹。溜。容。
成。揮。玉。杯。姮。娥。揚。妙。音。洪。崖。領。其。頤。升。降。隨。長。
煙。飄。颻。戲。九。垓。竒。齡。邁。五。龍。千。歲。方。嬰。孩。燕。昭。
無。靈。氣。漢。武。非。仙。才。

晦朔如循環月盈已復魄善作見蓐收清西陸朱羲將

由白寒露拂陵茗女蘿辭松栢薜榮不終朝蟬

蛸豈見夕圓丘有奇草鍾山出靈液王孫列八

珍安期鍊五石長揖當途人去來山林客

招隱詩二首

鍾惺曰氣和語厚所以為真隱又曰詠史在事却入情招隱在趣却入理所以深妙而遠

左思

杖策招隱士荒塗橫古今巖穴無結構丘中有

鳴琴白雲停陰岡丹葩曜陽林石泉漱瓊瑤織

譚元春曰巷中情思滿荒途橫古今同一妙想要知妙想所以同

李善曰雜詩左居陸後而以在前誤

鍾惺曰停字妙于看雲

王世貞曰重犯不害為古此詩
 絲竹清音嘯歌
 重犯乃害古也
 然使各用之山
 水清音極是妙
 詠灌木悲吟不
 失佳語故曰離
 則漢美合則西
 傷
 鍾惺曰竹相得
 其真五字深微
 譚元春曰以格
 言招之不得不
 末又曰良辰
 入奇懷自外以
 之內逍遙撰良
 辰自內以之外
 幽趣則一

鱗或浮沉非必絲與竹山水有清音何事待嘯

曰或字活

又曰兼字開子美諸想

歌灌木自悲吟秋菊兼糗糧幽蘭間重襟躊躇

各招得妙

足力煩聊欲投吾簪

書

經始東山廬果下自成榛前有寒泉井聊可瑩

心神悄舊青葱間竹栢得其真弱葉栖霜雪飛

榮流餘津爵服無常玩好惡有屈伸結綬生纏

牽彈冠去埃塵連惠非吾屈首陽非吾仁相與

觀所尚逍遙撰良辰

招隱詩

陸機

脫去纏牽意詞
精麗

楊慎曰附音拊
不惟便于讀
亦兼宜爾也

明發心不爽。振衣聊躑躅。躑躅欲安之。幽人在
浚谷。朝采南澗藻。夕息西山足。輕條象雲構。密
葉成翠幄。激楚竹蘭林。回芳薄秀木。山溜何泠
泠。飛泉漱鳴玉。哀音附靈波。頽響赴曾曲。至樂
非有假。安事澆淳樸。富貴苟難圖。稅駕從所欲。

五臣作結風

反招隱詩

南王康琚

小隱隱陵藪。大隱隱朝市。伯夷竄首陽。老聃伏
柱史。昔在太平時。亦有巢居子。今雖盛明世。能
無中林士。放神青雲外。絕迹窮山裏。鷓鴣先晨
鳴。哀風迎衣起。凝霜凋朱顏。寒泉傷玉趾。周才
信衆人。偏智任諸已。推分得天和。矯性失至理。
歸來安所期。與物齊終始。

遊覽

真德秀曰文帝
詩之入選者笑
容池居其首其
末章壽命云云
其言何以異於
秦二世陳壽訊
其不能遵志存
道克廣德心信
矣哉

芙蓉池作

魏文帝

乘輦夜行遊。逍遙步西園。雙渠相溉灌。嘉木繞
通川。卑枝拂羽蓋。修條摩蒼天。驚風扶輪轂。飛
鳥翔我前。丹霞夾明月。華星出雲間。上天垂光
采。五色一何鮮。壽命非松喬。誰能得神仙。遨遊
快心意。保已終百年。

南州栢公九井作

殷仲文

四運雖鱗次。理化各有準。獨有清秋日。能使高
興盡。景氣多明遠。風物自凄緊。爽籟驚幽律。哀
壑叩虛牝。歲寒無早秀。浮榮甘風隕。何以標貞
脆。薄言寄松菌。哲匠感蕭晨。肅此塵外軫。廣筵
散泛愛。逸爵紆勝引。伊余樂好仁。惑祛吝亦泯。
猥首阿衡朝。將貽匈奴哂。

游西池

結拙

謝混

鍾惺曰此中二

句尋常語移作

起便妙

又曰森秀

又曰順字有意

無意妙絕

五臣本無此二句

悟彼蟋蟀唱。信此勞者歌。有來豈不疾。良遊常
蹉跎。逍遙越城肆。願言屢經過。迴阡被陵闕。高
臺眺飛霞。惠風蕩繁囿。白雲屯會阿。景旻鳴禽
集。水木湛清華。褰裳順蘭沚。徙倚引芳柯。美人
愆歲月。遲暮獨如何。無為牽所思。南榮戒其多。

泛湖歸出樓中翫月

謝惠連

虞九章曰詩本
應詔而語意乃
在高尚

日落泛澄瀛。星羅游輕橈。憇榭面曲汜。臨流對
迴潮。輟策共駢筵。並坐相招要。哀鴻鳴沙渚。悲
猿響山椒。亭亭映江月。瀏瀏出谷颺。斐斐氣幕
岫。泫泫露盈條。近矚祛幽蘊。遠視蕩誼囂。晤言
不知罷。從夕至清朝。

從游京口北固應詔

謝靈運

玉璽戒誠信。黃屋示崇高。事爲名教用。道以神

理超昔聞汾水游。今見塵外鑣。鳴笳發春渚。稅
鑾登山椒。張組眺倒景。列筵矚歸潮。遠巖映蘭
薄。白日麗江臯。原隰萸綠柳。墟囿散紅桃。皇心
美陽澤。萬象咸光昭。顧已枉維繫。撫志慙場苗。
工拙各所宜。終以反林巢。曾是榮舊想。覽物奏
長謠。

一
晚出西射堂

謝靈運

詞向極工組意
自適

步出西城門。遥望城西岑。連障疊巘嶠。青翠杳
深沈。曉霜楓葉丹。夕曛嵐氣陰。節往感不淺。感
來念已深。羈雌戀舊侶。迷鳥懷故林。含情尚勞
愛。如何離賞心。撫鏡華緇鬢。攬帶緩促衿。安排
徒空言。幽獨賴鳴琴。

登池上樓

葉夢得曰世多不解池塘二語為工蓋欲以奇求之耳此語
之工正在無所用意猝然與景相遇借以成章不假繩削
故非常情所能到詩家妙處當以為為根本而思苦難言
者往不快王世貞曰明月照積雪是佳境非佳語池塘
生春草是佳語非佳境此語不必過求亦不必深賞

謝靈運

潛虬媚幽姿。飛鴻響遠音。薄霄愧雲浮。棲川作

鍾惺曰亦是俳
語作起便清洒
又曰愧字難解
却妙

譚元春曰古人之言

釋皎然曰池塘生春草情在言外
明月照積雪旨冥句中風力雖齊意興各別
又曰情在言外故其語如澹而無味
常手覽之何異文侯聽古樂

淵沈進德智所拙退耕力不任循祿反窮海卧

善本無此二句

疴對空林衾枕昧節候寒開暫窺臨傾耳聆波

鍾麟

瀾舉日眺嶇嶇初景革緒風新陽改故陰池塘

曰隱秀之語

生春草園柳變鳴禽祁祁傷幽歌萋萋感楚吟

索居易永久離羣難處心持操豈獨古無悶微

在今李東陽曰古不可涉律古涉律調如謝靈運池塘生春草紅藥當壻翻雖一時傳誦固已移于流俗而不自覺

游南亭

浙

謝靈運

鍾惺曰遠峰隱

半規五字工而

冶刃而真造未

詩中落日妙語

又曰惜時人始

知未厭二字之

妙

又曰止字妙

譚元春曰哀人

苦境盡情所止

三字

鍾惺曰力勁在
猶字六字

時竟夕澄霽。雲歸日西馳。密林含餘清。遠峯隱

半規久痲昏。墊苦旅館眺。郊岐澤蘭漸。被徑芙

蓉始發池。未厭青春好。已觀朱明移。感感感物

歎。星星白髮垂。藥餌情所止。衰疾忽在斯。逝將

候秋水。息景偃舊崖。我志誰與亮。賞心唯良知。

游赤石進帆海

謝靈運

首夏猶清和。芳草亦未歇。水宿淹晨暮。陰霞屢

又曰陰霞二字

非老於水上靜

觀人不知

王世貞曰挂席

拾海月事俚而

語雅

畢竟肆志之言

卒致天伐不能

謝矣

不獨雋句亦有

真趣

王世貞曰靈運

天質奇麗運思

精鑿雖格體創

興○沒○周○覽○倦○瀛○壖○况○乃○凌○窮○髮○川○后○時○安○流○天

吳○靜○不○發○揚○帆○采○石○華○挂○席○拾○海○月○溟○漲○無○端

鍾惺曰三字似虛舟

倪○虛○舟○有○超○越○仲○連○輕○齊○組○子○牟○眷○魏○闕○矜○名

道○不○足○適○已○物○可○忽○請○附○任○公○言○終○然○謝○天○伐

石壁精舍還湖中

謝靈運

昏○旦○變○氣○候○山○水○含○清○暉○清○暉○能○娛○人○游○子○澹

善作澹

忘○歸○出○谷○日○尚○早○入○舟○陽○已○微○林○壑○斂○暝○色○雲

變是潘陸之餘
法也其雅得乃
過之清暉二句
寧在池塘春草
下耶

長才逸興意與
景合

霞收夕霏。芰荷迭映蔚。蒲稗相因依。披拂趨南
徑。愉悅偃東扉。慮澹物自輕。意愜理無違。寄言
攝生客。試用此道推。

鍾惺曰愉悅二字是高士閉門真光景真受
用然偃字自妙莫與掩字例看

登石門最高頂

謝靈運

晨策尋絕壁。夕息在山棲。疏峯抗高館。對領臨
迴谿。長林羅戶庭。積石擁基階。連巖覺路塞。密
竹使徑迷。來人忘新術。去子惑故蹊。活活夕流

善作六

叶韻

葛立方曰：抵壘
之洩，能處順乎？
五年之既，能待
終乎？可謂心口
相違矣。

奇句動人寄興
亦妙

駛噉噉夜猿啼。沈冥豈別理。守道自不攜。心契
九秋幹。日翫三春蕙。居常以待終。處順故安排。
惜無同懷客。共登青雲梯。

於南山往北山經湖中瞻眺

謝靈運

朝旦發陽崖。景落憇陰峯。舍舟眺迥渚。停策倚
茂松。側徑既窈窕。環洲亦玲瓏。俛視喬木杪。仰
聆大壑淙。石橫水分流。林密蹊絕蹤。解作竟何

善作景

王世貞曰天雞
弄和風景近而
趣遙

譚元春曰偶對
中有景致機流
句外遠過湖中
瞻眺石門新營
二首

感升長皆丰容。初篁包綠籜。新蒲含紫茸。海鷗
戲春岸。天雞弄和風。撫化心無厭。覽物眷彌重。
不惜去人遠。但恨莫與同。孤遊非情歎。賞廢理
誰通。

從斤竹澗越嶺溪行

謝靈運

猿鳴誠知曙。谷幽光未顯。巖下雲方合。花上露
猶泫。透迤傍隈隩。迢迤陟陁峴。過澗既厲急。登

鍾惺曰透迤迢迤開後世律詩發套惡對

鍾惺曰好溪游

眼老杜許多舟

行妙詩不出乘

流翫迴轉五字

譚元春曰動宕

不覺其用楚詞

末句有達人之

致

鍾惺曰迂重語

有深趣莫作滯

累看

棧亦陵緬。川渚屢逕復。乘流翫迴轉。蘋萍泛沈

深。菰蒲冒清淺。企石挹飛泉。攀林摘葉卷。想見

山阿人。薜蘿若在眼。握蘭勤徒結。折麻心莫展。

情用賞為美。事昧竟誰辨。觀此遺物慮。一悟得

所遣。

應詔觀北湖田收

顏延之

周御窮轍跡。夏載歷山川。蓄軫豈明懋。善游皆

浙江圖書

張銑曰此題侍
游蒜山翫其詩
意乃不得泛駕

聖僊帝暉應順動。清蹕巡廣廡。樓觀眺豐穎。金
駕映松山。飛奔互流綴。緹殼代廻環。神行埒浮
景。爭光溢中天。開冬眷徂物。殘悴盈化先。陽陸
團精氣。陰谷曳寒煙。攢素旣森藹。積翠亦葱芊。
息饗報嘉歲。通急戒無年。溫渥浹輿隸。和惠屬
後筵。觀風久有作。陳詩愧未妍。疲弱謝凌遽。取
累非纏牽。

車駕幸京口侍游蒜山作

顏延之

元天高北列。日觀臨東溟。入河起陽峽。踐華因
削成。巖險去漢宇。襟衛徒吳京。流池自化造。山
關固神營。園縣極方望。邑社總地靈。宅道炳星
緯。誕曜應晨明。睿思纏故里。巡駕弔舊坵。陟峯
騰輦路。尋雲抗瑤薨。春江壯風濤。蘭野茂萸英。
宣遊弘下濟。窮遠凝聖情。岳濱有和會。祥習在
卜征。周南悲昔老。留滯感遺萌。空食疲廊肆。反

末句有不得沒
駕之意

稅事巖耕。

車駕幸京口三月三日侍遊曲阿後湖

顏延之

虞風載帝狩。夏諺頌王遊。春方動震駕。望幸傾

善作辰

五州。山祇踴嶠路。水若警滄流。神御出瑤軫。天

儀降藻舟。萬軸胤行衛。千翼泛飛浮。彫雲麗璇

蓋。祥飈被綵旂。江南進荆艷。河激獻趙謳。金練

五臣作助

照海浦。笳鼓震溟州。藐盼青崖衍。漾觀綠疇

葛立方曰虞巡

之事遠矣後世

莫能知其詩也

若周穆王者勞

民費財從事于

以荒之遠豈人

君之美事乎顏

延年應詔觀北

湖田收乃曰周

御窮轍跡夏載

歷山川蓄軫豈

明懋善游皆聖

仙此詩又云虞

風云云是開人

心非所謂告以善道者也

善作

民靈騫都野。鱗翰聳淵丘。德禮既普洽。川岳徧懷柔。

行藥至城東橋

鮑照

詞調俊偉不作靡聲

鷄鳴關吏起。伐鼓早通晨。嚴車臨迴陌。延瞰歷城闈。蔓草緣高隅。修楊夾廣津。迅風首旦發。平路塞飛塵。擾擾遊宦子。營營市井人。懷金近從利。撫劍遠辭親。爭先萬里途。各事百年身。開芳

書館

及稚節含彩吝驚春尊賢永照灼孤賤長隱淪
容華坐消歇端爲誰苦辛

遊東田

謝朓

戚戚苦無悰攜手共行樂尋雲陟累榭隨山望
菌閣遠樹曖阡阡生煙紛漠漠魚戲新荷動鳥
散餘花落不對芳春酒還望青山郭

鍾惺曰出口如不欲重惟恐傷之

從冠軍建平王登廬山香鑪峯

琢字鍊句俱偉

鍾惺曰落字根

散字說得花鳥

相関有情

呂延濟曰觀淹

詩意乃和王詩

以不云應教誤

江淹

廣成愛神鼎。淮南好丹經。此山具鸞鶴。往來盡
仙靈。瑤草正翕艷。玉樹信葱青。絳氣下縈薄。白
雲上杳冥。中坐瞰蜿虹。俛伏視流星。不尋遐怪
極。則知耳目驚。日落長沙渚。曾陰萬里生。藉蘭
素多意。臨風默含情。方學松栢隱。羞逐市井名。
五臣作表

幸承光誦末。伏思託後旌。
五臣作旌

鍾山詩應西陽王教

沈約

善作地險

靈山紀地德。險峭資岳靈。終南表秦觀。少室邇
王城。翠鳳翔淮海。衿帶繞神珂。北阜何其峻。林
薄杳葱青。

圖

發地多奇嶺。千雲非一狀。合沓共隱天。參差互
相望。鬱律構丹巘。峻嶒起青嶂。勢隨九疑高。氣
與三山壯。

卽事旣多美。臨眺殊復奇。南瞻儲胥觀。西望昆

明池。山中咸可悅。賞逐四時移。春光發隴首。秋風生桂枝。

多值息心侶。結架山之足。八解鳴澗流。四禪隱巖曲。窈冥終不見。蕭條無可欲。所願從之遊。寸心于此足。

君王挺逸趣。羽旆臨崇基。白雲隨玉趾。青霞雜桂旗。淹留訪五藥。顧步佇三芝。之焉仰鑣駕。歲

暮以爲期。

五臣作終

圖

五臣作何所

館

宿東園

沈約

陳王鬪雞道。安仁采樵路。東郊豈異昔。聊可閑
余步。野徑既盤紆。荒阡亦交互。槿籬疎復密。荆
扉新且故。樹頂鳴風飈。草根積霜露。驚麕去不
息。征鳥時相顧。茅棟嘯愁鴟。平岡走寒兔。夕陰
帶曾阜。長烟引輕素。飛光忽我適。豈止歲云暮。
若蒙西山藥。顏齡儻能度。

備極淒涼

游沈道士館

沈約

秦皇御宇宙。漢帝恢武功。懽娛人事盡。情性猶

譚元春曰二語妙寫盡從來富貴人好

未克。銳意三山上。託慕九霄中。既表祈年觀。復

神仙病根

鍾惺曰。斷得千古豪貪人心死。

立望仙宮寧。為心好道直。由意無窮日。余知止

足。是願不須豐。遇可淹留處。便欲息微躬。山嶂

又曰住此妙絕

遠重疊。竹樹近蒙籠。開衿濯寒水。解帶臨清風。

所累非外物。為念在玄空。朋來握石髓。賓至駕

鍾惺曰學道是何等事與歡娛人事並說妙。譚元春曰情性二字有許多天子氣英雄氣在內。寧為二語道破。秦王漢武侈心可謂確論。譚元春曰直由意無窮亦是放恣不關玄奧此

輕鴻都令人徑絕。唯使雲路通。一舉陵倒景。無事適華嵩。寄言賞心客。歲暮爾來同。

古意酬到長史漑登琅邪城

徐悱

甘泉警烽候。上谷抵樓蘭。此江稱豁險。茲山復

善作拒

圖

鬱盤。表裏窮形勝。襟帶盡巖巒。修篁壯下屬。危樓峻上干。登陴起遐望。迴首見長安。金溝朝灑澆。甬道入鴛鸞。鮮車騫華轂。汗馬躍銀鞍。少年

負壯氣。耿介立衝冠。懷紀燕山石。思開函谷丸。
豈如霸上戲。羞取路傍觀。寄言封侯者。數竒良
可歎。

選詩卷二

終

浙江圖書館

選詩卷二訂註

王粲詠史詩

曹公好以已事誅殺賢良故托言秦穆公殺三良自殉以諷之

綆縻

皆繩索

曹植三良詩

植被文帝黜責悔不隨武帝死而托是詩

左思詠史詩

金張

金日磾張湯

七葉

自武至平也

馮公

馮唐白首屈于郎署

術

道也

許史

許皇后父廣漢為平恩侯史良娣兄恭為樂陵侯

欸

忽也

張協詠史詩

協與兄載並守道不競以屬詠自娛少辟公府後為黃門郎因

托疾遂絕人事協見朝廷貪
祿位者衆故詠此詩以刺之

謝瞻張子房詩

宋高祖北伐見張良廟毀乃
修之并命諸人爲詩瞻時爲

豫章太守

遙以和

三殤

孔子過太山有婦人哭于墓者使子貢問
之曰吾舅死于虎吾夫又死焉吾子又死

焉曰何不去也曰無苛政孔子曰小子志之苛

政猛于虎也秦之苛法天下厭之其暴甚于此

三殤

也
代工
工官言人
代天理官

薄蝕攬槍

皆喻項羽凡日
不於晦朔蝕者

日薄彗星

爲攬槍

神武

謂宋高祖

明兩燭河陰慶霄薄汾陽

明兩慶霄皆喻宋高祖

河陰汾陽堯舜所居

甄

表也

揆

度也

周行

宋喻

顏延之秋胡詩

鳧藻

秋胡望其妻而前如鳧鳥得水草歡躍而馳

高張生絕絃聲急

由調起

以琴瑟為喻也高張必致絕絃立節有以盡苦聲急自於調起詞皆由乎恨深

顏延之五君詠

延年領步兵好酒踈澹不能斟酌當時劉謔言于彭城王

出為永嘉太守延年甚怨憤乃作五君詠述竹林七賢以自喻山濤王戎由貴盛也

遂黜而

不收

默仙

鮑靚曰叔夜示人有終而實尸解則康默然而仙矣

郭奕

阮咸哀樂至到過絕

于人太原郭

山公

山濤啓事曰咸若在官之賤必妙絕於時

呂

安稽

奕見之心醉

嵇康 山陽賦 秀嘗與嵇康寓河內山陽 後經河內山陽作思舊賦

鮑昭詠史詩

五都

洛陽邯鄲臨淄宛成都也

三川

河洛伊也皆 邑居豪華

虞羲詠霍將軍北伐詩

七萃

萃聚也以智力之士七等聚之

魚麗

陣名

六郡

金城隴西天水安定北地

上郡

骨都

匈奴

日逐

匈奴

激楚

清聲也

應璩百一詩

曹爽多違法度璩為是詩以諷焉詩序云時謂曹爽曰公今聞

周公巍巍之稱安知百慮有一失乎百一之名蓋興於此

三入承明廬

承明謁天子待制之處璩初為侍郎又為常侍又為侍中故云三入

此至歎譽問者之辭

宋人遇周客

宋有愚人得燕石以為大寶而藏之周客問而

觀焉掩口盧胡而笑曰此燕石也與瓦礫不殊

郭璞游仙詩

蹇修

古賢媒

赤松浮丘洪崖

並仙人

六龍

日駕也

滄海

變微禽

雉入淮為蜃雀入水為蛤

丹谿

不死之國

雲螭

龍也

魯陽

魯陽

公與韓邁難戰酣日暮援戈而麾之日為之反三舍

潛穎怨青陽陵茗哀

素秋

穎茗皆草木也生潛隱之處則怨青陽之不至生陵阜之上則哀素秋之早及言仙

俗殊事異 宜與此同 雜縣 爰居見 陵陽容成 皆仙 五龍 皇

君也兄弟四人皆人面而龍身長曰角龍次曰徵龍次曰商龍次曰羽龍父曰宮龍父與諸子

同仙在 蓐收 孟秋 西陸 日行西陸 朱羲 日 由白

立秋秋分 西從白道

左思招隱詩

思苦天下溷濁故將招 尋隱者欲以退不仕

荒途橫古今

荒廢之道橫絕 榛 木叢 古今以喻時也 生

王康琚反招隱詩

康琚以為混俗自處足以 免患何必山林然後為道

故作反招隱之詩 其情與隱者相反

殷仲文南州桓公九井作

姑熟桓玄所出大築府第于此國南

故曰南州其畧九井山仲文從玄於此游故作是詩叙其進退危懼之情也

牝

谿谷為牝

哲匠

匠謂善宰萬物者謂桓玄

逸爵

猶飛杯

紆勝引

邀屈

勝人相引而傾

阿衡

謂玄

匈奴晒

田千秋取相事

謝混游西池

混思與友朋相與為樂也

蟋蟀唱

毛詩曰蟋蟀在堂歲聿其暮今我不樂日月其除

勞者歌

韓詩曰伐

木廢朋友之道缺矣勞者歌其事皆思友之詩也

美人

謂友人

南榮

庚桑楚謂

南榮越曰無使

汝思慮營營

選詩訂註

卷二

四

謝惠連泛湖歸出樓中翫月

瀛

澤中

山椒

山頂

謝靈運從游京口北固應詔

京口江口北固山名靈運從宋

高祖上此

山樓望江

汾水游

充見四子汾水之陽

謝靈運晚出西射堂

射堂在永嘉西靈運獨處常不得意作是詩也

此以下皆

永嘉所作

含情尚勞愛

萬物含情尚愛儔類

浙 圖 書 館

謝靈運登池上樓

靈運被譖出時有疾起而作是

潛虬飛鴻

虬以深潛而保真鴻以高飛而遠害今已嬰俗網故有愧虬鴻也

謝靈運游赤石進帆海

瀛壖

海岸也

窮髮

不毛之地在北海之北

川后

波神

天吳

水伯

石

華

附石生

海月

如鏡皆中食

子牟

中山公子牟謂詹子曰身在江海之上心

居魏闕之下

任公言

孔子困于陳太公任往吊之曰直木先伐甘泉先竭

謝靈運登石門最高頂

駛

疾也

九秋幹

松之類

三春莢

草之類言心契堅貞自游于道翫色亦同

也 于俗

謝靈運於南山往北山經湖中瞻眺

解作

易曰天地解而雷雨作雷雨作而百果草木皆甲拆

升長

草木升長

賞廢

理誰通

賞心若廢茲理誰為通乎

謝靈運從斤竹澗越嶺溪行

隈

曲也

隩

涯也

陁

山中斷

峴

山嶺

緬

遠也

企

舉踵

葉卷

初生

未展

顏延之應詔觀北湖田收

從宋文帝游曲阿北湖觀收田勤苦

周御

周穆王周行天下使有車轍馬跡

夏載

禹曰予乘四載隨山刊木

蓄軫

蓄車 不行 豐穎 穎穗也 飛奔 車也 流綴 或散或連 緹殼 騎也 開冬

眷徂物殘悴盈化先 言問冬而視徂落之物雖已殘悴而尚盈于殘悴之

先言可 攢素 木葉既落霜封其枝 積翠 松柏交布 息饗報嘉歲

觀也 通急戒無年 息人饗宴以報豐歲 後筵 延年自謂 凌

遽 捷速 繹牽 見前 顏延之車駕幸京口侍游蒜山作

元天 山名 日觀 太山東南 入河起陽峽踐華因削成 秦築

長城渡河據陽山踐華山 為城華山四面峻如削成 巖險去漢宇襟衛徒

選詩訂註 卷二 六

吳京

言巖險之固去彼漢宇襟帶周衛

園縣

山陵

方望

祭四方羣神

誕曜

浮曜也

應辰

辰北方星宋以水德故云應辰

薨

屋棟

岳濱

齊桓公時岳濱諸侯莫不來服

祥習在十征

先王十征五年歲卜

其祥祥習則行

昔老

謂司馬談也天子始建漢家之封而太史公留滯周南不得與

遺

氓

自謂

空食疲廊肆反稅事巖耕

言已素餐疲于廊廟之列今欲

反輸國稅事耕巖下

顏延之車駕幸京日三月三日侍游曲阿後

湖作

春方

東

五州

九州之地
宋得其五

山祇

山水神

水若

水神

瑤軫

玉輅

藻舟

畫舟

萬軸

車也

胤

繼也

千翼

舟也

彫雲麗璇蓋

以玉飾蓋

彫鏤雲氣
附於其上

綵旂

名旗

荆豔

楚歌

河激

女涓者津吏之

女趙簡子渡河

於中流奏
河激之歌

金練

金甲

民靈

人神也

鱗翰

魚鳥也

騫聳

驚

鮑昭行藥至城東橋

開芳及稚節

開布芳華
宜在幼年

含彩吝驚春

含其光彩
驚惜春序

恐時過
年謝

沈約鍾山詩應西陽王教

鳳翔淮海

喻宋之興

八解

維摩經云入解之浴池定水湛然蒲

四禪

大品

經之初禪二禪三禪四禪

五藥

草木虫石穀

三芝

石芝靈芝肉芝

歲暮

喻老

也

沈約宿東園

祈年觀

秦所立

望仙宮

漢所立

徐悱古意酬到長史漑登琅邪城詩

灞滄

二水名

鴛鸞

殿名

燕山石

竇憲破匈奴勒石

函谷丸

隗囂

將王元謂囂曰請以一丸泥東封函谷關

霸上戲

漢匈奴入邊劉禮軍霸上文帝馳入

其軍曰霸上
軍兒戲耳

數竒

李廣
不族

選詩卷二訂註

選詩訂註

卷二

浙江圖書館



浙江圖書館



浙江圖書館



浙江圖書館



浙江圖書館

浙江圖書館善本


甲登記號：022337

一九 年 月 日



浙江圖書館

colorchecker CLASSIC























浙江圖書館

xrite



colorchecker CLASSIC



x-rite

100mm